



Njoki e kīrathi gĩa gatatũ. Nĩ mũkenu mũno nĩ gũkorwo kīrathi kīgeni. Mwarimũ wake etagwo Mrs. Mwangi. Njoki nĩendete mwarimũ wake.

Mwarimũ ũyũ athomithĩtie Njoki kuuma rĩrĩa aingĩrire cukuru wa Makutano. Mwaka no hĩndĩ wambĩrĩria. Mrs Mwangi arathomithia arutwo ake indo ng'eni.

Arutwo nĩ maramũthikĩrĩria. Nĩ amarutaga nyĩmbo njerũ. Ningĩ nĩamaganagĩra ng'ano nyingĩ.






Mũndũ wothe cukuru nĩ araria ũhoru wa mŭrimũ mŭgeni. Mŭrimũ ũyũ wĩtagwo Corona Virus. Angĩ mawĩtaga COVID-19. Nĩ mŭrimũ mŭgeni. Mrs. Mwangi ndarĩ eera arutwo ake ũhoru wa mŭrimũ ũyũ mŭgeni.

Aarimũ nĩ mararia ũhoru wa mŭrimũ ũyũ mŭgeni wĩtagwo COVID-19. Arutwo cukuru nao no mararia ũhoru wago. Aciari mĩciĩ-inĩ nĩ amaku mũno nĩ ũndũ wa mŭrimũ ũyũ.

Andũ makĩaria thimũ-inĩ no mararia ũhoru wa COVID-19. Rendiũ nayo no ĩrera andũ ũhoru wa COVID-19. Terebiconi nayo iratinda ĩkĩaria o ũhoru wa mŭrimũ ũcio mŭgeni. Mŭtongoria wa bŭrŭri wa Kenya onake no araria ũhoru wa COVID-19.





Andũ aingĩ gũtirĩ ũndũ mooĩ ũhoro ũkonainie na mũrimũ wa Covid-19. Amwe meciragia atĩ mũrimũ ũcio ona ndũrĩ kuo.

“Covid-19 no ta mũthemba ũmwe wa homa.” Andũ amwe nĩguo maugaga.

“Gaka no kahoma gegũka na gathire! Hatirĩ bata wa gwĩtigĩra.” Nĩguo andũ angĩ maugaga.

Angĩ maugaga atĩ nĩ kĩrumi kuuma kwĩ Ngai. Maugaga atĩ tũtirĩ na njĩra ya kũwĩthema. Andũ maarĩ agayũkanu mũno.





Mũthenya ũmwe Mũtongoria wa Būrūri nĩanĩrĩire atĩ mūrĩmũ ũcio nĩ ũkinyĩte būrūri-inĩ wa Kenya. Mũndũ ũmwe nĩ atuĩkire nĩ agwatĩtwo nĩ mūrĩmũ ũcio wetigagĩrwo mũno.

Andũ othe nĩmamakire mũno. Thutha ũcio mūrĩmũ nĩ wambĩrĩirie gũtamba ta mwaki wa gĩthaka. Andũ angĩ aingĩ būrūri-inĩ nĩmarwarire COVID-19. Amwe ona nĩmakuire kuumana na mūrĩmũ ũciũ.

Nĩkwagĩire na mawatho na mĩtaratara mĩingĩ ya kūrũmĩrĩrwo. Mawatho na Mĩtaratara ĩyo ciarĩ cia kũgirĩrĩria gũtamba kwa mūrĩmũ. Cukuru ciothe nĩ ciahingirwo. Njoki na arutwo arĩa angĩ matiathiaga cukuru.





Mūrimū wa COVID-19 nĩ ũrĩ cionereria nyingĩ. Mūndũ angĩagĩire na ũrugarĩ mūkĩru mwĩrĩ nĩeragwo athiĩ thibitarĩ. Arĩa makororaga mūno onao no meragwo mathiĩ thibitarĩ.

Kūrĩ angĩ magĩaga thĩna wa kũhuhia. Aya onao nĩmagĩrĩrwo kuona ndagĩtarĩ.

Andũ arĩa mathũkagĩrwo nĩ nda mūno na gũturwo nĩ mũgongo nĩmoragio magethe ũteithio mathibitarĩ-inĩ na ihenya.






Aruti a wīra a Rūhonge rwa Ugima wa Mwĩrĩ nĩmarũtire andũ maũndũ maingĩ. Ũmwe wamo nĩ kwĩgitĩra na kĩgokora mũndũ akĩhaya.

Ona ningĩ andũ nĩmerirwo makahũthagĩra ngacibũ magĩathimũra. Nĩmerirwo magathambia ngacibũ ĩyo na thabuni.

Andũ nĩ merirwo matige kwĩhutagia kanua, maito na iniũrũ na moko matarĩ matheru. Makinya maya mothe moirwo nĩ ũndũ wa kũgirĩrĩria gũtamba kwa mũrimũ wa Corona Virus.






Andũ nĩ merirwo magethambaga moko maita maingĩ
makĩhũthĩra thabuni na maaĩ maratherera. Gwĩthamba moko
nĩ gũteithagia kwaga kũnyitwo nĩ mũrimũ

Mũndũ angĩaumire njaa ya mũciĩ, nĩ abataraga gwĩthamba
moko. Ona ciana nĩciabataraga gwĩthamba moko kaingĩ.

Andũ othe mũciĩ rĩu nĩmethambaga moko maita maingĩ.
Ithuothe nĩtwendaga kwĩgirĩrĩria kũnyitwo nĩ Covid-19.





Kūrĩa gũkoragwo gũtarĩ maaĩ, andũ nĩmeragwo methambe na thabuni wa mwanja wa maaĩ. Andũ aingĩ matiakenagio nĩ mũrukĩ wa thabuni ũcio.

Arĩa matendaga kũũhũthĩra no nginya mangĩethambire na maaĩ na thabuni matanaingĩra nduka. Endia nĩ matigagĩrĩra mũndũ nĩ ethamba.

Endia aingĩ matingĩendeirie mũndũ atarĩ mwĩthambu mooko. Nĩmetigagĩra mũndũ ta ũcio no agwatie agũri arĩa angĩ Covid-19.





Aruti wĩra a Rũhonge rwa Ūgima wa Mwĩrĩ nĩmarutire watho. Maugire atĩ kũndũ guothe kũhutagio nĩ andũ kwagĩrĩire gũikara gũgĩtheragio. Īno yarĩ njĩra ĩmwe ya kũrigĩrĩria gũtaamba kwa bairaci ya Korona ĩrĩa ĩrehaga mũrimũ wa Covid-19.

Maugire atĩ ngari cia ũkuui wa mũingĩ nĩciagĩrĩire gũthambio. Ngari cia ũkuui wa mũingĩ nĩciathirwo ikuuage andũ anini mataganĩte ngarinĩ.

Ūndũ ũyũ nĩwatũmire mũingĩ ũgĩe na ũmĩrĩru wa kũhũthĩra ngari icio. Thutha wa kahinda, ngari cio nĩ ciambĩrĩirie kũiyũra andũ rĩngĩ.





Mūrimū wa Covid-19 nīwathire na mbere gūtamba būrūri-inī. Andū othe nīmerirwo mehumbe tūrembeko nītuo maciki. Andū aingī nīmetigagīra kuona andū mekīrītwe tūrembeko tūu.

Andū nīmerirwo mūhumbage tūrembeko kana maciki wega. Karembeko no nginya kangīahumbīre kanua na iniūrū. Mbere ya mūrimū wa Covid-19 ūūke, no mandagītari aiki mekīraga tūrembeko tūtū. Rīu andū othe mahanaga ta mandagītari.

Andū nī mambīrīrie gwīthondekera tūrembeko twao. Tūrembeko tūu nītwandīkagwo maūdū matiganīte. Tūmwe twandīkagwo, “Ngai nī akwendete”, “Nīnyendete Kenya itū”, “Rekei tūrigīrīrie Covid-19” na maūdū mangī maingī.






Aruti wĩra a Rũhonge rwa Ũgima wa Mwĩrĩ nĩmerire andũ maikare mĩciĩ. Andũ nĩ merirwo matigage gũikaraga handũ hamwe marĩ aingĩ nĩguo kũgirĩrĩria gũtamba gwa Covid-19.

Cukuru nĩ ciakarire i hinge. Andũ arĩa marutaga wĩra mawabici nĩ merirwo marutĩre wĩra mĩciĩ. Andũ nĩmerirwo matigaikarage makuhanirĩrie me kũndũ kwa mũingĩ.

Ningĩ andũ nĩmakanirio mũtugo wa kũgeithania na mooko. Itua rĩrĩ rĩarĩ rĩa kũgirĩrĩria gũtamba kwa mũrimũ ũyũ.






Ihinda rĩrĩ rĩothe cukuru ciarĩ hinge. Njoki na amwe a arĩa athomaga nao maarĩ na mũnyaka mũno. Mwarimũ wao Mrs. Mwangi aarĩ wa itũũra rĩao.

Hĩndĩ iyo ya rũũtha rũnene nĩatwarĩire arutwo ake karendiũ gake. Nĩmathikĩĩirie mwarimũ wa rendiũ kuuma mũtambo wa Edu Radio.

Mrs. Mwangi nĩ ataragĩria arutwo kĩrĩa gĩathomithagio. Ona arutwo a kuuma cukuru ingĩ nĩ mokaga gũthikĩĩria. Nĩmakenagio nĩ ũrĩa amathomithagia. Ona aciari nĩmakenaga mũno.





Kūrĩ arutwo marũmagĩrĩra mathomo kuuma mũtambo-inĩ wa terebiconi wa Edu TV. Nĩ gwakoragwo na arimũ ngũrani nĩ ũndũ wa mathomo ngũrani.

Arutwo aingĩ matiamenyaga thaa iria mathomo mao mekwambĩrĩria. Marũmagĩrĩra mathomo moothe. Nĩmathomire maũndũ maingĩ mũno.

Rĩmwe na rĩmwe mwarimũ wa terebiconi nĩ oragia arutwo ciũria. Mandĩkaga macookio mabuku-inĩ mao. Arutwo oothe nĩmakenagio nĩ arimũ acio ageni.





Kūrĩ arutwo marũmagĩrĩra mathomo thimũ-inĩ. Ona nĩmacokagia ciũria iria cioragio o he ithomo.

Cukuru imwe nĩciatũmaga mathomo kūrĩ arutwo ao. Kūrĩ o, cukuru ciarĩ hinge no mabuku mo matiarĩ mahinge.

Nĩ kūrĩ cukuru ithiaga na mbere gũthomithia arutwo acio na njĩra ñno ya thimũ. Arutwo nĩmendete gũthoma na thimũ mũno. Maugaga atĩ gĩthomo kũu gĩa thimũ nĩ kĩega mũno.





Thutha wa ihinda rūūtha rūnene nīrwathirire. Cukuru nī ciahingūrirwo rīngī. Rīarī ihinda inene kuuma rīrīa arutwo maarī cukuru.

Nīmakenire mūno nī gūcoka cukuru. Arimū onao nīmakenire mūno nī gūcoka cukuru.

Maūdū maingī nīmagarūrūkire. Arutwo othe no nginya mangīaikarire magīthambaga mooko cukuru. No nginya mangīthimirwo ūrugarī wao wa mwīrī. Ningī no nginya mangīaikarire maraihanīrīrie.

“Aarimū hihi nī marīnjiguaga ngīcookia kīūria njīkīrīte maciki?” ūū nīguo Jane eyūragia.





Mũthia-inĩ ũhoru mwegu nĩwakinyire! Njanjo ya mũrimũ wa Covid-19 nĩyonekete. Andũ arĩa mathecagwo njano ĩyo matiahatĩkagwo nĩ mũrimũ ũcio mũno. Andũ aingĩ nĩ mathire gũtheecwo njanjo.

“Nĩ nĩ ũkũndwara ngatheecwo njanjo ya COVID-19?” nĩguo Jane oririe nyina.

“Aca mwana wakwa.” Nyina wa Jane akĩmũcokeria.

“Kahinda-inĩ gaka njanjo ĩno ya Covid-19 ĩratheecwo aruti wĩra a Rũhonge rwa Ũgima wa Mwĩrĩ, borithi na aarimũ na andũ arĩa akũrũ.” Nyina wa Jane akĩmũcokeria.

Mũrimũ wa Covid-19 ũrĩ okuo ona rĩu. Nĩ ũũragĩte andũ aingĩ. Andũ no mawĩtigĩrĩte. Njoki nĩ arehoka atĩ gũtirĩ hĩndĩ ĩngĩ cukuru ikabatarĩka kũhinga ihinda inene ta ũguo.

